



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno MCCCXVI. ad annum MCCCCXXIII.

Parisiis, 1644

XII. De occupatoribus beneficiorum & eorum bonorum.

urn:nbn:de:hbz:466:1-15653

nis periculum, in huiusmodi sententiis moriuntur. ANNO
CHRISTI
1386.
Quare statutum domini Friderici prædecessoris nostri, quod sententias per vnum vel plures prælatos per omnes ciuitates & diceceses mandat.

Tales sententias publicari per ecclesiarum prælatos * obseruari præcipimus, ut sic malignorum peruersitatibus obuietur. * f. & ob-
seruari

X I.

Constitutiones felicis recordationis Bonifacii papæ VIII. editas contra eos qui ab ecclesiis & ecclesiasticis personis, pro earum rebus propriis, quas non negotiandi causa deferunt, vel deferri faciunt vel transmittunt, suo vel alieno nomine pedagia vel quidagia exigunt vel extorquent: eosque qui in his culpabiles fuerint, si personæ sint singulares, excommunicationis; si vero collegium, ciuitatem, vel castrum, vel locum alterius concernit, interdicti sententiæ subiacere per locorum ordinarios, prælatos & archidiaconos ac parochialium ecclesiarum rectores præcipimus solenniter publicari, quemadmodum etiam in Viennensi Concilio est prouide constitutum.

X II.

Omnibus volumus esse notum, quod tam episcopi, quam alii ecclesiarum prælati, & quæcumque aliæ ecclesiasticæ personæ, qui bona vacantium dignitatum & ecclesiarum quarumcumque sibi subiectarum, seu ad collationem vel præsentationem eorumdem pertinentium, occupant, rapiunt, aut usurpant, vel in suos usus vertunt, ipsi episcopi ab ingressu ecclesiæ; inferiores vero ab officio & be-

ANNO CHRISTI 1586. neficio de iure sint suspensi, donec de occupatis satisfaciant cum effectu : laici vero, siue iudices fuerint, aut ecclesiarum patroni, bona huiusmodi rapientes vel usurpantes, iuxta statutum felicis recordationis domini Friderici prædecessoris nostri, eo ipso sententiam excommunicationis incurvant: in locis vero ad quæ eadem bona delata fuerint, postquam hoc rectoribus ecclésiarum innotuerit, iuxta eiusdem statuti tenorem tam diu cesserunt a diuinis, donec de ablatis congrue fuerit satisfactum.

XIII.

Apud multos ita crimen usurarum inualuit, quod nonnulli nullis negotiationibus vel laboribus student intendere, putantes sibi ex hoc licere, quod prælati, vel alii ecclesiarum rectores in animalium suarum periculum negligunt id corrigere, ac per hoc in maioris damnationis laqueum se immergunt. Nos igitur recolendæ memoriae domini Ioannis Tusculani episcopi, legati sedis apostolicæ, ac aliorum prædecessorum nostrorum vestigiis inhærentes, qui crimen huiusmodi fuerint specialiter detestati, decernimus eosdem usurarios, postquam per suos rectores tria monitione nominatim moniti fuerint, & infra mensem ipsi ab eadem prauitate non destiterint, eo ipso excommunicationis sententiæ subiacere. Quapropter singulis ecclesiarum prælatis ac rectoribus districte præcipimus, vt omnes manifestos usurarios moneant & inducant, quatenus ab huiusmodi prauitate infra vnius mensis spatium current